



**საქართველო**  
**აჭარის ავტონომიური რესპუბლიკის**  
**უმაღლესი საბჭოს საკონსტიტუციო, იურიდიულ და**  
**საპროცედურო საკითხთა კომისია**

ტელ: +995 (0) 32 228 54 48, ელ.ფოსტა [contact@sca.ge](mailto:contact@sca.ge), ჩაქვი, ბ. მეგენიშვილის ქ. №25

საორგანიზაციო და საქმისწარმოების  
 დეპარტამენტის უფროსს

ბატონ გიორგი ბერიძეს

ბატონო გიორგი,

აჭარის ავტონომიური რესპუბლიკის უმაღლესი საბჭოს 2017 წლის 15 ივნისის მორიგ პლენარულ სხდომაზე წარდგენის მიზნით გეგზავნებათ:

1. აჭარის ავტონომიური რესპუბლიკის უმაღლესი საბჭოს დადგენილების პროექტი – „აჭარის ავტონომიური რესპუბლიკის უმაღლესი საბჭოს მიერ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის განხილვის პროცედურის განსაზღვრის შესახებ“.
2. საკონსტიტუციო, იურიდიულ და საპროცედურო საკითხთა კომისიის დასკვნა;
3. საკონსტიტუციო, იურიდიულ და საპროცედურო საკითხთა კომისიის 2017 წლის 13 ივნისის №20 სხდომის ოქმის ამონაწერი.

დანართი: 6- ფურცელი

პატივისცემით,  
 კომისიის თავმჯდომარე

G. Abgija

ნინო ჩხეტია



აჭარის ავტონომიური რესპუბლიკის  
უმაღლესი საბჭოს

დადგენილება

აჭარის ავტონომიური რესპუბლიკის უმაღლესი საბჭოს მიერ საზოგადოებრივი  
მაუწყებლის აჭარის ტელევიზიისა და რადიოს მრჩეველთა საბჭოს 2016 წლის  
საქმიანობის ანგარიშის განხილვის პროცედურის განსაზღვრის შესახებ

აჭარის ავტონომიური რესპუბლიკის უმაღლესი საბჭოს რეგლამენტის მე-5 მუხლის  
მე-3 პუნქტის შესაბამისად, აჭარის ავტონომიური რესპუბლიკის უმაღლესი საბჭო ადგენს:

1. საზოგადოებრივი მაუწყებლის აჭარის ტელევიზიისა და რადიოს მრჩეველთა  
საბჭოს 2016 წლის საქმიანობის ანგარიში, აჭარის ავტონომიური რესპუბლიკის უმაღლესი  
საბჭოს ბიუროს 2017 წლის 4 აპრილის №37 გადაწყვეტილებით განსაზღვრული უმაღლესი  
საბჭოს კომისიების მიერ განხილვის შემდეგ, განხილულ იქნეს აჭარის ავტონომიური  
რესპუბლიკის უმაღლესი საბჭოს რიგგარეშე სესიაზე, უმაღლესი საბჭოს 2017 წლის  
საშემოდგომო სესიის დაწყებამდე.

2. საზოგადოებრივი მაუწყებლის აჭარის ტელევიზიისა და რადიოს მრჩეველთა  
საბჭოს 2016 წლის საქმიანობის ანგარიშის აჭარის ავტონომიური რესპუბლიკის უმაღლესი  
საბჭოს რიგგარეშე სესიაზე განხილვა მოხდეს კანონპროექტის პირველი მოსმენით  
განხილვისათვის აჭარის ავტონომიური რესპუბლიკის უმაღლესი საბჭოს რეგლამენტით  
დადგენილი წესით.

3. საზოგადოებრივი მაუწყებლის აჭარის ტელევიზიისა და რადიოს მრჩეველთა  
საბჭოს 2016 წლის საქმიანობის ანგარიშის შესახებ აჭარის ავტონომიური რესპუბლიკის  
უმაღლესი საბჭო უფლებამოსილია მიიღოს დადგენილება.

4. ეს დადგენილება ამოქმედდეს მიღებისთანავე.

აჭარის ავტონომიური რესპუბლიკის  
უმაღლესი საბჭოს თავმჯდომარე

დავით გაბაიძე

ჩაქვი,  
2017 წლის  
№

ნ. მხევიანი

## განმარტებითი ბარათი

აჭარის ავტონომიური რესპუბლიკის უმაღლესი საბჭოს დადგენილების პროექტზე –  
აჭარის ავტონომიური რესპუბლიკის უმაღლესი საბჭოს მიერ საზოგადოებრივი  
მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის  
ანგარიშის განხილვის პროცედურის განსაზღვრის შესახებ

ა) დადგენილების პროექტის მიღების მიზეზი:

„მაუწყებლობის შესახებ“ საქართველოს კანონის 35<sup>13</sup> მუხლის პირველი პუნქტის შესაბამისად, აჭარის ტელევიზიისა და რადიოს მრჩეველთა საბჭო არაუგვიანეს ყოველი წლის 1 აპრილისა აჭარის ავტონომიური რესპუბლიკის უმაღლეს საბჭოს წარუდგენს ანგარიშს გასული წლის საქმიანობის შესახებ, ხოლო ამავე მუხლის მე-3 პუნქტის შესაბამისად, აჭარის ავტონომიური რესპუბლიკის უმაღლესი საბჭო თავის მხრივ უზრუნველყოფს ანგარიშის საჯარო განხილვას.

მრჩეველთა საბჭოს საქმიანობის ანგარიშის საჯარო განხილვის თაობაზე კანონში გაკეთებული ჩანაწერი უმაღლესი საბჭოს წინა წლების პრაქტიკის გათვალისწინებით შემოიფარგლებოდა მხოლოდ კომისიებში განხილვით.

საზოგადოებრივი მაუწყებლის აჭარის ტელევიზიის სტატუსიდან გამომდინარე, მიზანშეწონილია მისი ერთ-ერთი ხელმძღვანელი ორგანოს მიერ გაწეული საქმიანობის ანგარიშის განხილვა მოხდეს არა მხოლოდ კომისიებში, არამედ – უმაღლესი საბჭოს სხდომისაზე/სესიაზე.

ვინაიდან უმაღლესი საბჭოს საქმიანობის მარეგულირებელი კანონმდებლობა არ იძლევა იმ პროცედურების დეტალურ გაწერას თუ როგორ უნდა მოხდეს მრჩეველთა საბჭოს მიერ წარმოდგენილი საქმიანობის ანგარიშის უმაღლესი საბჭოს სხდომისაზე/სესიაზე განხილვა, მიზანშეწონილია აჭარის ავტონომიური რესპუბლიკის უმაღლესი საბჭოს რეგლამენტის მე-5 მუხლის მე-3 პუნქტის გათვალისწინებით, უმაღლესი საბჭოს დადგენილებით მოხდეს ზემოაღნიშნული პროცედურების განსაზღვრა.

ბ) დადგენილების პროექტის არსი

დადგენილების პროექტით გათვალისწინებულია, რომ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიში აჭარის ავტონომიური რესპუბლიკის უმაღლესი საბჭოს ბიუროს 2017 წლის 4 აპრილის №37 გადაწყვეტილებით განსაზღვრული უმაღლესი საბჭოს კომისიების მიერ განხილვის შემდეგ, განხილულ უნდა იქნეს აჭარის ავტონომიური რესპუბლიკის უმაღლესი საბჭოს რიგგარეშე სესიაზე, უმაღლესი საბჭოს 2017 წლის საშემოდგომო სესიის დაწყებამდე.

პროექტის შესაბამისად, საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის აჭარის ავტონომიური რესპუბლიკის უმაღლესი საბჭოს რიგგარეშე სესიაზე განხილვა მოხდება კანონპროექტის პირველი მოსმენით განხილვისათვის აჭარის ავტონომიური რესპუბლიკის უმაღლესი საბჭოს რეგლამენტით დადგენილი წესით.

დადგენილების პროექტით, საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის შესახებ აჭარის ავტონომიური რესპუბლიკის უმაღლესი საბჭო უფლებამოსილია მიიღოს დადგენილება.

გ) იმ შედეგების საფინანსო-ეკონომიკური გაანგარიშება, რომლებსაც გამოიწვევს წარდგენილი დადგენილების პროექტის მიღება:

დადგენილების პროექტი არ საჭიროებს საფინანსო-ეკონომიკურ გაანგარიშებას.

დ) დადგენილების პროექტის ავტორი:

აჭარის ავტონომიური რესპუბლიკის უმაღლესი საბჭოს საკონსტიტუციო, იურიდიულ და საპროცედურო საკითხთა კომისია.

ე) დადგენილების პროექტის ინიციატორი:

აჭარის ავტონომიური რესპუბლიკის უმაღლესი საბჭოს საკონსტიტუციო, იურიდიულ და საპროცედურო საკითხთა კომისია.



საქართველო  
აჭარის ავტონომიური რესპუბლიკის  
უმაღლესი საბჭოს საკონსტიტუციო, იურიდიულ და  
საპროცედურო საკითხთა კომისია

ტელ: +995 (0) 32 228 54 48, ელ.ფოსტა [contact@sca.ge](mailto:contact@sca.ge), ჩაქვი, ბ. მეგენიშვილის ქ. №25

საკონსტიტუციო, იურიდიულ და საპროცედურო საკითხთა კომისიის

დ ა ს კ ვ ნ ა

აჭარის ავტონომიური რესპუბლიკის უმაღლესი საბჭოს მიერ საზოგადოებრივი  
მაუწყებლის აჭარის ტელევიზიისა და რადიოს მრჩეველთა საბჭოს  
2016 წლის საქმიანობის ანგარიშის განხილვის პროცედურის  
განსაზღვრის შესახებ

აჭარის ავტონომიური რესპუბლიკის უმაღლესი საბჭოს საკონსტიტუციო, იურიდიულ და საპროცედურო საკითხთა კომისიის 2017 წლის 13 ივნისის ხდომაზე განხილულ იქნა საკითხი „აჭარის ავტონომიური რესპუბლიკის უმაღლესი საბჭოს მიერ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის განხილვის პროცედურის განსაზღვრის შესახებ“.

„მაუწყებლობის შესახებ“ საქართველოს კანონის 35<sup>13</sup> მუხლის პირველი პუნქტის შესაბამისად, აჭარის ტელევიზიისა და რადიოს მრჩეველთა საბჭო არაუგვიანეს ყოველი წლის 1 აპრილისა აჭარის ავტონომიური რესპუბლიკის უმაღლეს საბჭოს წარუდგენს ანგარიშს გასული წლის საქმიანობის შესახებ, ხოლო ამავე მუხლის მე-3 პუნქტის შესაბამისად, აჭარის ავტონომიური რესპუბლიკის უმაღლესი საბჭო თავის მხრივ უზრუნველყოფს წარმოდგენილი ანგარიშის საჯარო განხილვას.

მრჩეველთა საბჭოს საქმიანობის ანგარიშის საჯარო განხილვის თაობაზე კანონში გაკეთებული ჩანაწერი უმაღლესი საბჭოს წინა წლების პრაქტიკის გათვალისწინებით შემოიფარგლებოდა მხოლოდ კომისიებში განხილვით.

საზოგადოებრივი მაუწყებლის აჭარის ტელევიზიის სტატუსიდან გამომდინარე, მიზანშეწონილია მისი ერთ-ერთი ხელმძღვანელი ორგანოს მიერ გაწეული საქმიანობის ანგარიშის განხილვა მოხდეს არა მხოლოდ კომისიებში, არამედ – უმაღლესი საბჭოს სხდომომაზე/სესიაზე.

ვინაიდან უმაღლესი საბჭოს საქმიანობის მარეგულირებელი კანონმდებლობა არ იძლევა იმ პროცედურების დეტალურ გაწერას თუ როგორ უნდა მოხდეს მრჩეველთა საბჭოს მიერ წარმოდგენილი საქმიანობის ანგარიშის უმაღლესი საბჭოს სხდომომაზე/სესიაზე განხილვა, მიზანშეწონილია აჭარის ავტონომიური რესპუბლიკის უმაღლესი საბჭოს რეგლამენტის მე-5 მუხლის მე-3 პუნქტის გათვალისწინებით, უმაღლესი საბჭოს დადგენილებით მოხდეს ზემოაღნიშნული პროცედურების განსაზღვრა.

ყოველივე ზემოაღნიშნულისა და უმაღლესი საბჭოს რეგლამენტის 94<sup>1</sup> მუხლის გათვალისწინებით, კომისიამ მოამზადა და უმაღლესი საბჭოსათვის წარსადგენად მხარი დაუჭირა აჭარის ავტონომიური რესპუბლიკის უმაღლესი საბჭოს დადგენილების პროექტს – „აჭარის ავტონომიური რესპუბლიკის უმაღლესი საბჭოს მიერ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის განხილვის პროცედურის განსაზღვრის შესახებ“, რომელზეც მომხსენებლად დაინიშნა კომისიის თავმჯდომარე ნინო ჩხეტია.

კომისიის თავმჯდომარე

ნინო ჩხეტია

# ა მ რ ნ ა წ ე რ ი

აჭარის ავტონომიური რესპუბლიკის უმაღლესი საბჭოს  
საკონსტიტუციო, იურიდიულ და საპროცედურო საკითხთა კომისიის  
2017 წლის 13 ივნისის №20 სხდომის ოქმიდან

მოისმინეს:

კომისიის თავმჯდომარის ნინო ჩხეტიას ინფორმაცია აჭარის ავტონომიური რესპუბლიკის უმაღლესი საბჭოს მიერ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის განხილვის პროცედურის განსაზღვრის შესახებ.

გადაწყვიტეს:

1. აჭარის ავტონომიური რესპუბლიკის უმაღლესი საბჭოს წარედგინოს კომისიის დასკვნა და უმაღლესი საბჭოს დადგენილების პროექტი - „აჭარის ავტონომიური რესპუბლიკის უმაღლესი საბჭოს მიერ საზოგადოებრივი მაუწყებლის აჭარის ტელევიზიისა და რადიოს მრჩეველთა საბჭოს 2016 წლის საქმიანობის ანგარიშის განხილვის პროცედურის განსაზღვრის შესახებ“.
2. დადგენილების პროექტზე უმაღლესი საბჭოს პლენარულ სხდომაზე მომხსენებლად დაინიშნოს კომისიის თავმჯდომარე ნინო ჩხეტია.

კომისიის თავმჯდომარე



ნინო ჩხეტია